

木
雞
書
卷
八
五
集

本雞書屋駢文五集序

卷八十五

鶴樓先生學有本原而專精一體所著本雞書屋四集刊布風行今五集成而先生年七十矣爰助雕事以壽

先生承命而爲之序昔周氏櫟園謂侯雪苑初學駢儷之文壯而肆力古文規於大家因顏其堂曰壯悔余謂雪苑正短於駢儷故爲是名以尊其集耳雖同時相契如勺庭猶疑其本領淺薄蓋其文專以氣行而不足於辭者也今夫周秦之文斂氣於骨漢文運骨於氣高文典冊用相如飛書羽檄用枚舉各適其用初無駢散之分而要未有不足於辭者梁陳之閒四六始盛徐庾擅場至初唐而藻繪溢日古意寢失故韓柳八家出一變本雞書屋文五集序

一

而以氣行於是號爲古文爲駢散分途之始而辭固漸有所不足矣故駢儷之衰自五代迄宋宗風幾墜嘉祐而後愈變愈下卽楊劉已非唐賢匹也而他何論乎我朝作者踵興汪蒼文以古文名而於駢體獨推松陵吳漢槎陽羨陳其年以爲儼然深陳之餘馥徐庾之後勁而其後主持壇坫若袁簡齋吳穀人諸公皆漸產故前之序先生集者謂駢文惟浙有真傳雖然先生之駢文非探源於駢文者也春秋得鳥蟲以鳴而聲鳥蟲者非鳥蟲也山川得雲雨以蔚而孕雲雨者非雲雨也如先生之涉獵萬卷沛乎有餘而一發之乎駢文雖終身以之可也悔云乎哉咸豐八年六月臨川李聯琇拜誤

序
乾坤闔闢上下蟠際元黃剖判自然成采黼黻錯雜煥
乎有文義繩弛結媧簧絕響曷緯昭應江漢炳靈人文
以興天工其代作者從此盛矣口納虹氣舌搖電光五
色以宣之八音以暢之情動於中言發於外所以舒堙
鬱揚休烈者惟文是尙爾何體之分焉周秦旣遙漢晉
以降地限南北家習偶儷切響浮聲休文創論選言樹
骨彥和著篇由是鏤錯金采絺繪章句連簡月露累牘
風雲雖識者上書請正體裁而世之持論仍涉嘲戲無
怪訛駁來誚紕繆見評中閑徐庾述撰燕許手筆邈矣
其悠合者蓋寡波松五季風靡三宋多寂寥之短章乏
不雜書屋文五集

序

二

鏗訇之鉅製 聖代復古詞流燦今西河迴陵迴瀾於
始北江簡齋續火其後稟軒經生接三唐之武穉威放
士差四傑之肩蓉裳韶妍而失之體弱穀人博麗而病
在言蕪叔縣照曜括諸史之華腴湘函瑰奇傾百子之
液灑爰及末流弊亦多緒聲牙以襲右夸目以尙奢煩
碎采於虞初舒緩得之齊氣欲其凌顏轅謝含潘度陸
何可得哉何可得哉鶴樓黃君博訪通人遍識奇字眼
高三古手追六朝王勃興到靜言寤處曹褒念至忘所
之適或繙史掣經斐然有作或合尊促坐傳之其人絲
悉載年衍溢箱案於以求之當得谷渾數卷所可語者
非止韓陵片石雖未必不懈及古然已知差強於人矣

惠然肯來頗出所著無博誕空泛之詞有包含宏大之
量南金北竈充切眩觀東琴西缶鏘洋動聽姓名翳於
草澤文章發茲風華使得紬石渠之籍鏤玉牒之版當
必備粲爛之神明著雍容之諷諭而乃拔蘆隱身藜糗
充腹豈命多厄使文不昌然而步作者之後塵望古人
之前軌當今之世責歸於君余亦勉疲牛之十駕希良
驥之千里而已君其許我否耶咸豐六年十有二月吳
江董兆熊敦臨甫序

木雞書屋文五集

序

三

木雞書屋文五集目次

平湖黃金臺鶴樓

卷一

張華論

佛圖澄論

獨孤后論

郭崇韜論

桑維翰論

王陶劾韓魏公跋扈論

明憲宗惑萬貴妃論

秦良玉男妾辨

木雞書屋文五集

目次

呂侯祠誌異

年大將軍童時誌異

虞山謁蔣忠烈公祠堂文

江陰謁二吳侯墓文

卷二

賀黃硯北司馬重赴鹿鳴序

蜻蛉洲外史序

董夢蘭徵君味無味齋駢體文序

汪綠君女史春暉閣駢體文序

李小湖學使好雲樓詩鈔序

賈芝房青霞仙館詩集序

沈蘭卿紫茜山房詩序

費亦洲壺中吟序

時澹川味琴室詩序

張次柳三影樓詞序

丁步洲倚竹齋詞序

趙桐孫十六國宮詞序

湯山瑞祥寺秋集序

東湖餞春集序

陳閩峯續六家詩鈔序

秦韋軒寄暢園志補序

卷三 雜書

木雞書屋文五集 目次

與海鹽馬小異書

覆秀水陳曼壽書

與婁縣楊簫英書

寄趙儀姑夫人書

答邢明府書

與王姬書

與魯參軍書

通州試院寄從弟麗春及兒子晉昉書

與觀葦杭明府論雲臺諸將書

與小門人葛蔭根論李陵答蘇武書可疑書

與嘉興徐蘭史解元書

卷四

武功將軍湯公雨生死事贊

朱小雲觀察重赴巒宮暨哲嗣蘭堦入座贊

童女許子琴測字贊

書上海縣袁又村大令殉難事

書朱九妹事

江忠愍公傳

龍山縣知縣雷君蘊峯傳

朱吟橋傳

卷五
陳覺生傳

周藕塘傳

木雞書屋文五集

目錄

女士關秋芙傳

卷五

遊天平山記

涉園訪梅記

吳興遊道場白雀諸山記

永安湖觀紅葉記

君山梅花書院宴集記

遊硤石東西兩山記

遊焦山記

洞庭東峯圖記

少有三山房賞牡丹記

雙紅豆樓記

夢龍草堂記

卷六

許壺生教授求酒借書圖記

查稻孫七十學詩圖記

趙拳山滄洲笑傲圖記

徐秋字黃葉歸思圖記

張蒲卿載酒問字圖記

徐洛卿南村校經圖記

時澹川西泠訪古圖記

趙凌洲道士養花圖記

木雞書屋文集

目錄

張翠芬女史紙閣紡聲圖記

石蓮舫屑香草題辭

劉心葭硯北吟巢帖體詩題辭

鴻雪樓印稿題辭

書朱文恪公論婚姻律疏後

書俞仲華盪寇志後

錢鱸香廣文誄

方司馬德配陸宜人墓碣

張華論

余讀晉書張華傳掩卷而歎曰功名富貴之迷人一至此哉觀華之立朝也制一代之憲章草九重之詔誥行軍定算贊羊祜之謨猷明德懿親重馬攸之託寄載秘書籍三十乘論建章千萬門固宜嗣宗歎爲王佐武子服其善談也而且宏獎賢豪激揚俊秀覽陳壽之史編特原小過賞陸機之文采轉患多才竹簡一枚博識深推東晉秘書三賦壞詞雅愛左思異陶士行之語言善李合伯之應對凡此休休之量莫非蹇蹇之忠然而心殷木雞書屋文五集 卷一

報國才乏匡時當惠帝之嗣位也識昧鳴蛙智昏文蛤此座可惜衛伯玉預慮儲君聖質如初和長輿深憂社稷以朱均之頑嚚加褒妲之驕淫白沙飛揚黃屋傾壞旣逞梟心於長樂旋頒鳩羽於離明使華早從劉卞之謀克協裴頠之議將見成君有罪廢置昭臺鄧猛無良幽居暴室轉禍爲福易危而安亦何至變起長秋毒痛函夏九州波蕩五嶽塵飛也哉奈何位重楓宸身依椒掖坐視坎牲之詐釀成斃犬之讒齊光被黜高厚從昏楚建含冤伍奢蒙戮心之憂矣臍可噬乎其有愧於周昌抗辭丙吉詔也多矣嗚呼以華之英思壯采殫見浴聞出石鼓之聲於桐材驗寶劍之精於斗氣志成博

物書殘南海之苔飲製醇醪釀自西羌之葉獨何以務
其遠而忽其近明於物而昧於身能識鳧毛而不覺災
生燕尾能辨魚鮓而罔知鸞結龍祭能照斑狸之形而
已不若潛虬遠害能作鷓鴣之賦而身則如彩雉罹殃
烈風吹而仍戀高官台星圻而未甘屏跡無張翰思鱸
之志有李斯牽犬之悲帛尚纏鬚丰標何在刃將加頸
慘毒奚辭是則進退存亡之理吉凶得失之機華竟惜
然莫察也徒誇學業之優才藻之麗陋矣雖然桑栢之
變預兆咎徵松筠之貞幸持勁節閻纘則悲哀甚切劉
頌亦慟哭不休縱被陷於克徒猶見憐於正士以視賈
謚之流血西鐘僉嫌其晚潘安之伏尸東市未蔽厥辜
木雞書屋文五集 卷一 二

不亦大相懸絕哉

夫鳳翔千仞非枳棘肯棲龍躍九天豈沮如可入澄公
受足五戒潛通八禪油塗掌心事徹千里絮拔腸孔光
盈一庭六十尊羅漢重參前身可溯四百歲耆齡未艾
服氣自強而乃輕棄故鄉久羈僭國豈以乾象閉塞神
州陸沉徘徊鴟鵂之林踟躕豺狼之藪蓋亦有所不得
已耶方石勒之起事也遇老父於荏平見神翁於臨水
旣而橫行趙魏跨畧燕齊飲馬江淮揚旗漢沔列五十
四營之車騎銘三十九人之元勳澄公雖係沙門亦稱
佐命枋頭之斫營中宵設備決突門之擒敵平旦成
功城北奴來兩小子頭膺白刃洛西兵到一大人肘縛

不雜書屋文五集

卷一

三

朱絲無事不知有言都驗惟是大雅溫柔殊非將種中
山勇悍漸起逆謀徐光苦諫於前程遐進箴於後而澄
公坐視腹心之患絕無肝膈之辭則何也迨石虎之篡
立也軍馳黑稍宮置赤橋妃隨闔馬之臺臣侍御龍之
觀玉珂八百具彩飾四圍金鈴一萬枚聲聞十里銅龜
吸水木鳳銜書無何樂極悲生福盈禍積虎產狼而立
斃羊負魚而羣來大武殿前畫上之冠巾漸縮永安宮
裏夢中之木斗忽生加以州吁好兵闕伯尋釁時則和
尙神通寢南臺之險計天神誥誠發北地之兇圖妖馬
入門早識眼前之殃及怪龍落地預知脇下之血流况
復棘子成林蘭陵應讖誤信張豺之說爰立幼儲激成

梁犢之謀大興叛卒而澄公徒託寓言偶伸隱語未能
先幾弭變臨事消災則又何也雖然以虎之居心殘忍
行政苛嚴而澄公視若雞身戲同鷗狎勸以恭儉諷以
慈矜建帝釋忉利之宮難希福祚造如來須彌之塔無
補危亡虎雖未肯盡從然而封豕長蛇稍回暴悍毒蛟
妖蜃畧滅凶頑斯其陰施默益正不少也他若拯幽州
之火災救襄國之旱虐蟲生葱上謂有內憂龍入河中
教防外寇聞來香氣默援西域之徒唱出咒辭遙護北
山之將迨至彗星下掃將蕩鄴宮霖雨不休言歸淨土
猶復塚中葬虎故示神奇祠畔降龍倍徵靈幻豈非穹
壤之畸人佛門之眞種乎嗟乎三百年易世如棋十六
木雞書屋文五集

卷一

四

國殺人似草幸而喜談法戒素信浮屠以故遠進入朝
保隴山之高節道安同輦止泚水之遠征參合之師曇
猛先知僨事杏城之役智通力勸收兵備德之撫定東
齊因朗公而決策呂光之淹留西國賴羅什而旋軍曇
始則刀刃不傷屈丐從茲節殺雲霍則橋梁請建僂檀
由此興慈之數人者皆澄公之流亞也良以世方擾攘
則覺以慈雲時值晦冥乃朗以慧日出生靈於塗炭援
黎庶於橫流安得以其異端而輕之哉若夫無識誨淫
妄誇秘術羅義療疾徒誑資財斯則澄公之罪人矣

獨孤后論

語曰女無美惡入宮見妬然如隋之獨孤伽羅則古今未有也當其時周天元之闈中得四幸女陳叔寶之閣上聚八婦人后固目擊而心恨之自開皇御極以來踐椒庭而匹尊升蘭殿而正位並稱二聖連育五男宮人斷魚貫之恩嬪御罷螽斯之詠尉遲女孫偶然蒙幸立卽斃之桓思遲虐田聖銜悲宜主弄權曹宮被害然妃后相爭尙無足怪至於忌儲副之寵姬嫉臣工之愛妾代人行妬是何理也其易太子也則以專嬖阿雲故夫臨江下涕於北門少海旋更武帝恭王降封於東海前星爰屬顯宗彼固非一母所生也若勇與廣俱出獨孤

木雞書屋文五集

卷一

五

本是同胞儼如異腹一則稱爲龍種一則視作豚兒祇緣芮伯之寵人遂惡鄭莊之嗣位馴至衛和之奪長終成楚穆之弑親而况宣華夫人旣被蒸於晉獻蘭陵公主又逼幸於齊襄后之貽謀不善非特大蛛大螻之妬傳其妬法抑且金蛇金駝之物播厥醜聲矣其黜高嬪也則以侍妾生男故夫周公阿杜詔餉金釵曼倩細君恩頒肉炙况嬪也股肱蕭曹牙爪吳耿久著從龍之績得邀賜馬之榮區區一妾何煩中宮之怒哉自后一言而頰乃漸被猜嫌屢蒙譴責遭茲螫手險致斫頭然而楊處道之貴寵後庭幾及千人賀若弼之勳勞女樂特分二部后何以不能一一阻之耶嗚呼文帝奪黑獺之

世業破黃龍之奇兵不踰期月克定三方未及十年削
平四海竟以神器付諸畜生未幾而盛飾龍舟大開瑩
苑遠巡塞北頻伐遼東士女哀號暴河邊之骸骨君王
酣笑對鏡裏之頭顱祚止二傳禍延九服揆厥由來豈
非輕信婦言妄更冢嗣以至於此哉獨孤誤我悔亦晚
矣

木雞書屋文五集

卷一

六

郭崇韜論

唐莊宗之得天下也其功臣見於紀傳者武勇則推周德威智畧則推郭崇韜非他人所能及也崇韜以代州之傑士作亞次之謀臣是時也六鎮齊歸兩城兼築俯視汴梁早有滅此朝食之心矣旣而失德勝保楊劉澶相之民每遭俘掠澤潞之帥又復叛逃幾欲與敵約和以河爲界而崇韜獨運奇籌密呈秘策宋祖之征廣固計定臧熹晉武之取金陵謀成杜預鑿凶門而出氣激三軍馳吉語而還期占八日建國樓君臣飲刃崇元殿將相行觴齊襄復九世之仇勾踐雪廿年之恥此則其平梁之功也至於師行千里計取兩川軍無見糧兵不

木雞書屋文五集

卷一

七

血刃三泉奏捷萬騎長驅破鳳州而直前奪鹿關而深入雙江納款宮娥罷回鶻之裝七里迎降僞主忍牽羊之辱旌旗所指威震西州鼙鼓不驚氣吞南詔較諸吳漢之克巴峽更覺神奇鄧艾之入陰平尤爲迅速此則其滅蜀之績也然而才高見嫉名盛招嫌功未圖麟勢成騎虎空頌鐵券旋被金刀雖然崇韜之所以不終者實由勸立劉后之故也夫劉氏出身北塢隨駕南城笞黃鬚父於宮門拜赤足僧於佛寺佞如全義屢獻贊於中宮諂若溫韜亦薦福於私第彼小人者何足深誅崇韜社稷重臣廟堂元老知宜主之微賤不作劉輔之箴規懼媚娘之驕淫甘爲李勣之依附見機已晚防患不

先而宦官伶人輩又皆平日所交惡者卒之驪姬恃寵受教優施宋棄專權借援伊戾內外蝎譖左右蠅營崇韜其能免禍耶且其未死之前薦張憲而不從救羅貫而不得責段疑之負庫錢而言不用矣阻陳俊之拜刺史而諫不行矣撫背之約已忘伸眉之期何日切齒之讐既衆碎首之禍難辭削平四十六州莫勳勳伐建白二十五事徒負忠忱豈不四海抱冤千秋致慨哉而吾尤怪莊宗之生平前後如出二人也方其髫齡獻捷受皇家鷄鶻之卮少歲遭喪破敵國蚰蜒之塹親當矢石躬負薪芻固宜慰七廟之神靈服四方之僭竊奈何大勳未集小器易盈朝弄管絃暮塗粉墨徒爲射雁之舉木雜書屋文五集卷一

八

猶是鬪雞之兒自崇韜死而訛言遍起妖語相傳趙在禮亂卒一呼郭從謙奸徒四應五坊樂器竟致焚身三矢錦囊那堪回首假令崇韜尚在則魏縣叛軍安得南行自若洛陽監國豈無西顧堪虞然則莊宗之殺崇韜正所以自滅耳

桑維翰論

石敬瑭借助契丹遂成晉業人皆謂桑維翰之功而吾則以爲維翰者晉室之罪人也當敬瑭之自太原徙天平也本宜順命奚必抗君以故楊彥詢勸其審計段希堯止其反謀趙瑩則代爲憂危薛融則諷以義理且唐之羣臣亦早慮及契丹矣其未叛也呂琦請如西漢和戎使強藩絕引援之想其旣叛也龍敏欲送東丹返國令大敵有內顧之虞惜潞王不能用耳乃維翰奉一介之命持片舌之強田欲奪牛威將假虎而契丹遂興師冀北親駕河東電發榆關星馳柏谷革鞭木鐙馬趨汾曲之營毛索銅鈴犬縱晉安之寨三千里旌旗相屬十本籙書屋文五集

卷一

九

六州土地坐收獨是慕容救晉不過酬以職官回紇助唐亦祇報以金帛未嘗約爲父子也茲則北門謁見南城册封屈膝而號兒皇稽顙而爲臣妾海枯石爛勿忘盟府之辭乾健離明妄喜同人之筮嗟乎維翰幸而成事耳否則王都嘗請救契丹矣而曲陽僨軍禿飯被殺劉崇亦乞援契丹矣而高平敗績楊衮空還而况趙延壽之在幽州契丹曾許以稱帝杜重威之降中渡契丹又命以爲君卒之徒託空言並無實效是則維翰之得遂其謀詎非僥倖於萬一哉然而禍福相倚興衰如環蕃部倒戈安重榮早圖絕好橫磨大劍景延廣復請隳盟契丹於是大舉入侵連年交鬪九縣並下三州被焚

雖衛村敗歸祇賸橐駝一騎而欒城襲破特頒龍鳳兩袍吳其沼平虞不臘矣乃出帝方內苑調鷹臯門射兔未幾而十事見責一飯難求胡馬奚車紛陳階陛素衣紗帽待罪都城黃龍府負義堪羞白貂裘加身何在獨怪維翰開國元勳當朝碩輔際此寇氛大熾急若倒懸國運將傾危於累卵旣乏致身之誼又無禦敵之才遂使中土人文盡陷飛狐道上漢家儀物都歸撲馬山頭且是時也沈斌登城罵賊殉節祁州王清開路奪橋捐軀渡口維翰素膺重望忝竊盛名而乃兩朝事去束手坐觀一尺面長靦顏苟活迨至途窮日暮計無復之竟死於張彥澤之手也奚足惜哉嗚呼知馮玉之賣國欲木雞書屋文五集卷一

卷一

李崧爲相公卒歸司獄八千銀錠難逃國史

叩宮門呼李崧爲相公卒歸司獄八千銀錠難逃國史之書十萬彌懼愧對相州之鬼語云君因此始亦以此終爲契丹所援仍爲契丹所滅享國祚者十無年垂醜聲者千百世吾故曰維翰晉室之罪人也

上人文選... 卷一... 李崧... 契丹... 國史... 罪人... 垂醜... 聲者... 千百世... 吾故曰... 維翰... 晉室之罪人... 也

王陶劾韓魏公跋扈論

余讀宋史至神宗時御史中丞王陶奏宰相韓琦不揮
常參班至謂琦爲跋扈嗚呼過矣夫三代以下之臣如
魏公者豈易得哉觀其始陳九事繼獻七條進杜范之
名賢退王陳之庸佐議皇儲而懷孔光之傳修軍政而
考李靖之圖盡智竭忠安社稷以爲悅決疑定變利國
家無不爲以故入作孤卿表曲江之風度出爲將帥成
晉國之功勳獎拔賢才有狄梁公之識量調和宮壺如
李鄴侯之肫誠用能光輔三君咸有一德問朝問左右
欽厥謨猷惟天惟祖宗鑒其謹慎是則石介之詩比諸
周勃蘇公之記擬以樂天尙不足盡其美焉而陶乃撼
木籬書屋文五集卷一

十一

搖柱石湮塞江河以天子之股肱逞小人之口舌昔者
驂乘有子孟漢主背如芒刺矣捧册有文饒唐宗髮且
森監矣當時諸臣猶不敢以跋扈譏之况魏公乎故魏
公曰臣非跋扈者陛下遣一小黃門至即可縛臣以去
矣宜吳奎以爲摧辱大臣詆其險躁滕甫以爲擠排碩
輔指其欺誣公論在人陶亦何忍而出此哉且陶固魏
公所擢用者也未作酬恩之雀遽爲反噬之狼人方切
有衮之思彼竟造非衣之謗豈以張洎爲寇萊公所薦
卽肆攻彈仲舒爲呂文穆所援便思傾陷負情背義相
習成風故耶然余觀陶之生平非不自謂知人者裕陵
之用君實也陶亦頌其聖明韓絳之誣富弼也陶亦責

其顛倒何嘗不分明涇渭判別薰蕕而獨以慘毒之心
繆悠之論施諸魏公哉若夫程戩以水洛宜城言公阻
撓之咎呂誨因濮園爭議劾公附會之非斯則所見不
同並非以訐爲直未可與陶並論也

不雜書屋文五集

卷一

三



明憲宗惑萬貴妃論

蓋聞衛子夫之被幸原是妙齡張麗華之定情依然童女以故聖通年暮宸眷漸移舍利色衰主恩忽替誠以韶顏足愛老物堪憎也乃觀明憲宗之於萬貴妃則大不然按妃名貞兒四歲爲孫太后宮女及長侍憲宗於東宮憲宗年十六卽位妃已三十有五矣朱滿月年迫老成承歡宣帝武金輪時非幼穉見悅高宗冠十四級之尊歷廿三年之久妃纔鶴化帝卽龍昇相近相親恩逾大捨同生同死福勝小憐豈非古今之異事哉方其擅寵後庭也臂繫絳紗眉描綠黛或錦袍侍宴或戎服前驅宮內擣蒲胡貴嬪戲傷上指苑中控騎王才人笑

木雞書屋文五集

卷一

三

並帝肩羊舐地而時留熊出圈而能禦時則梁芳奸宦屢進美珠繼曉妖僧妄陳法盃七大窖之金寶悉費禱祠一小篋之疏章都論房術葭聖祖紅牌之訓釀深閨黑膏之災狐媚旣工鴟張益甚宜主善妬掖庭多燕啄之憂女瑩逞威嬪御鮮熊祥之喜以致吳后構隙退處離宮栢妃育儲不安震位而紀淑妃所產孝宗上未知也燕姑生子曾夢蘭香驪姬得君早占薜臭幸而張敏櫛髮賀萬歲之有兒懷恩叩頭言六年之潛養遂乘翠輦得見黃袍由是而淑妃不得生矣安樂堂謫居七載永壽宮召見一朝李宸妃親誕仁宗未嘗自異趙鉤弋實生昭帝竟致凶終由是而太子不自安矣武惠訴瑛

賈妃忌適所賴保阿有力成君之鳩毒不行朝宁多賢
閻姬之梟心難肆厥後嗣主登基羣工交奏曹璘請削
諡號徐頊乞捕姍親乃孝宗居心仁厚如漢和之免究
竇家大度包容異魏明之深讐郭后斯則孝宗之盛德
而憲皇之臧溺萬妃至死不變者斯真不可解已

木雜書屋文五集

卷一

十四

秦良玉男妾辨

余讀明史土官傳見夫商勝歸朝賚以金幣奢香置驛錫以珠環招曩猛奏凱麓川榮邀誥命美罕板立功孟定封贈淑人此皆女官之勤於王事者而秦良玉之忠勇果毅尤冠諸人乃綏史所記則言陸遜之過其營壘見左右男妾十餘人吁是何言與當夫青幘橫行蒼鷺迭出羽書疊告刁斗亂鳴良玉一孀婦耳同族如秦纘勳則詭謀通賊矣同名如左良玉則跋扈不臣矣獨彼一劍橫秋雙戈耀日玉驄萬騎繡鎧千重笑無射雉之譁氣有當熊之壯紅粧媚燼天女星明白桿縱橫美人虹起然脂暝寫蔣三妹之丰神歃血請行唐四姑之義

大雜書屋文五集

卷一

五

烈取韜鈴爲膏沐易釵鑷以兜牟犀兕成行幕府定須健甲貔貅列隊營門應集壯丁隨鞭鐙以宣勞執斧斯而効命乃以平陽爪牙之旅而指爲山陰面首之人以譙國毅騎之威而視作胡后尼男之寵豈理也哉且良玉一生事蹟固可按日而稽也始則師攻桑木征播功多兵抵榆關援遼績茂繼則焚兩河之賊舫取二郎之巖關紅崖搗巢青砦破寨黔疆底定蜀土旋安晚則挫獻忠之兇鋒奪汝才之大纛發忘恤緯愾敵同袍無如國脈日衰人心漸渙魚河兵弱馬渡寇深二萬卒半發餽糧邵捷春不從其計十三隘分持要害陳士奇竟却其言竹箇坪中空揮大劍桃花馬上欲斷長纓蓋自神

廟中年以迄思陵未禩良玉已壽逾花甲境厯壘辛蟻
眉既老非木蘭代戍之時鶴髮頻添異荀灌決圍之日
夏姬不能再少徐娘豈尙有情卽此益見禪乘所傳之
妄也烏虜有明婦女之作孽者衆矣唐賽兒與妖山左
楊寡婦肆焰中州罕弄據寶井而稱雄米魯斷盤江而
恃險類皆逞尔朱射鵬之技誇雍容逐馬之才嘯聚桂
蒲宣淫桑濮陣排鷺鶴謠起豬豕未幾而新息遐征遂
平徵側義元進勦卒滅碩眞惟良玉志報漢家力存周
社竭九拒九攻之術獻一箸一帚之謀張茂妻賢牽裙
裾以討逆虞潭妣健撒環珮以餉軍帝室金甌終遭破
碎兒家石柱仍自保全况復節比霜筠操同雪柏殿上
木雞書屋文五集

卷一

夫

有膽顏之喜拜受錦袍帳中蒙握臂之羞裂殘翠袖峭
乎難犯衷矢內丹矚然不汗品完粹白論其奇績豈徒
誅黑煞神溯厥貞心何可比紅娘子然則甘線姑之穢
迹貽笑隴川安素儀之醜聲負慙露益奚得與良玉一
例而論哉

呂侯祠誌異

馬小異明經爲余言海鹽鴛鴦橋西二里有呂家郡縣志所載皆稱爲呂蒙冢冢前有祠元至正間里人所建以祀孱陵侯者也近有塑關神武像於祠中每至深夜孤鐙縮紅陰氣滾黑長槍大戟交闕於庭前毒手尊拳互鏖於殿上如是者數年守祠道士告諸里人奉神武像移祀大慈庵中其聲遂絕異哉夫以神武義行九伐力冠萬夫赤幟丁年扶卯金之帝子青燈午夜讀甲帳之春秋髯其絕倫臂不畏刮其鎮守江陵也結營淺瀨興霸之歎唾無聞赴會軍刀子敬之責言何益旣而船臨漢沔兵逼襄樊先聲奪人後勁繼進七軍隨魚龍而木雞書屋文五集

卷一

七

沒二將作羊豕之存乃梁郝途遙未策奔蹄之免而臨沮軍潰偏遭齧足之豬故宜芒動尾箕氣盈瀛海生則威震華夏盡三分割據之勞歿則神著聲靈受萬國衣冠之拜至今金牛故劍尙露精光石馬舊槽且餘生氣正直聰明神武固然而孱陵侯亦復精爽乃爾也曷敢因思孱陵之在吳也受知桓玉被遇大帝拔諸行陣視作干城執桴鼓而立破朱光駕艤艘而親梟陳就熟六韜之秘要籌三策之機宜遂乃領職尋陽總師陸口犬牙交錯迹易狐疑雞口紛爭計生狙詐舍徐士而勿取惟荊州之是圖白衣搖艣百舸疾飛絳服行滕三軍潛伏而且蔣欽則水師遠入潘璋則歸路先邀虞翻之說

已行吳範之占旋驗蓋其情殷報主深恐貉子之貽羞
志在開疆遂致虎臣之中計盡心所事亦其分爾故雖
世遠年湮而猶各不相下耶然則神武之與孱陵非特
一時之敵實爲萬世之讐今乃合祀於一祠一則河東
英傑一則汝南雄豪一則蛟龍拔雨前將軍浩氣常存
一則鷗鶚乘風左都護強魂未泯一則銳士五千人自
有神兵協助一則健兒六百戶豈無鬼卒扶持不比周
何兩將並享烝嘗直同文伍二人各興潮汐允宜割席
免使操戈移而祀之於義甚當而何必誇其靈怪也哉

木雞書屋文五集

卷一

夫

年大將軍童時誌異

年將軍羹堯字亮工號雙峯奉天廂黃人父遐齡總兵
近畿生平有季常之懼抱孝標之愁無何偶私阿鷺遂
育於菟夫人大怒立鬻其婢以兒付閹人生埋之閹人
持至後圃委豬圈而去閱半月閹人聞後圃有啼聲往
視一牝豬伏地乳兒大駭抱歸撫爲己子卽大將軍也
棄昆莫於草際狼庇其生置東明於欄中馬噓以氣是
其初生時已大異矣越數年夫人生希堯遐齡內擢都
統有瑞骨史盲子者術同劉札藝類陳昭謂遐齡曰公
大封翁也出希堯令相曰亦一品官然不足當此頃於
門房內相一兒丰格非常呂僧珍雖在髫年已成大器

木雞書屋文五集

卷一

九

盧伯源待當壯歲定握重權此豈非公子耶遐齡呼閹
人攜兒至果然燕頤英姿鳶肩奇狀問兒何來閹人備
述其故夫人亦感悟遂善視之自悔當年幾害馮豹深
知異日端賴樊籛是其稍長時又堪異矣矧乃麟來天
上聰穎夙成彪出地中豪雄罕敵顧歡少行田畔賦雀
徐歸劉寶幼戲渚間見蛇不動無如性未龍馴氣尤鶻
突狂如徐曠先生輒窘提撕勇勝高昂師長難加捶撻
遐齡亦無如何一日西山老僧踵門求見是僧也禪花
慧業貝葉靈根非開元寺之禿了本少林院之衲子遐
齡因留教之於是演蛇鳥陣講豹熊韜發微於四正四
奇窮變於九攻九守臨行囑曰子已具甘陳畧擅褒鄂

才他日得志幸毋恣殺庶可全生也非特江津沙門成
王慧龍之勳績直似壽春開士保張承德之身家是其
成童時尤足異矣旣而文鳴玉佩武緯珠鈴學問已過
半袁甲兵足當一范十八入詞林年未四十掌大將軍
印蠟螭塞紫雞鹿山青隨貝子之旌旗威申甲令冒夜
郎之風雪力瘁丁年頭懸月支手闢星海途極亥步尉
開戊屯然而勢燄過尊貪婪罔厭楊崇勳枉勞軍士飾
木偶人曹武毅大集船艘載鐵羅漢而且秦川湧血有
違羅什之言趙郡僵屍自負圖澄之戒卒之周玘怨望
竟不令終麴義驕矜旋教獲罪天生異人亦復何爲也

哉

水滸書屋文五集

卷一

二

不令終麴義驕矜旋教獲罪天生異人亦復何爲也
國蘇竹之言愷悌圖強自負圖澄之戒卒之周玘怨望
不辭人曹武毅大集船艘載鐵羅漢而且秦川湧血有
聞如中然而楚趙圖強自負圖澄之戒卒之周玘怨望
佩之風雪力瘁丁年頭懸月支手闢星海途極亥步尉
印蠟螭塞紫雞鹿山青隨貝子之旌旗威申甲令冒夜
半袁甲兵足當一范十八入詞林年未四十掌大將軍
成童時尤足異矣旣而文鳴玉佩武緯珠鈴學問已過
王慧龍之勳績直似壽春開士保張承德之身家是其
長齡

虞山謁蔣忠烈公祠堂文

劍門峯峭宜出忠臣琴水波寒尙懷烈士昔者明當中國葉主是童昏任股肱於刑餘寄心膂於廝養一龍酣睡八虎橫行劉瑾小豎子耳口啣天憲手秉王章內閣樹其爪牙部寺張其羽翼逐刁不果弔讓漸多二百年宗社將危十三道彈章交上常熟蔣公子修語尤剴切氣更發舒淚逐毫飛血和墨灑政壞矣法壞矣朝中誰不寒心瑾忠乎臣忠乎陛下豈無明目朱雲借劍莫謂猖狂陳禾碎衣同斯激烈鷗逐不止鳳鳴益悲方公之拜疏也一鎧縮紅四壁慘黑眞宰上訴五夜神嗥至誠默孚九幽鬼嘯繆士通之靈氣恍惚見形宋遊道之英魂

水滸書室文五集

卷一

五

朦朧入夢蓋公之祖先欲其寢此奏耳而公則不顧私親獨伸公義謂先人示警苦作啾啾而臣子竭忱要當譌譌果然烏臺三奏狼棍千槌朱穆發疽陳陶閉氣紅陽沐掩妖狐竊肆於城中白簡風生猛虎空爭於殿上獨怪斯時也王蕃任諾臨杖而忽易辭矣胡節趙良納賄而反獲罪矣韓福素號能臣被責而引咎矣夢陽早稱名士下獄而乞援矣人俱怯死公獨捐生出痛心蹙額之言罹折骨斷肢之慘膽眞斗大髮更冠衝鉄斧自甘不失爲好男子灰釘無懼此之謂大丈夫自公死而瑾益紛更法制荼毒縉紳藏温卓不軌之謀挾莽懿非之志扇中匕首篋內宮牌大罪十九條悉經發露不

法十七事誰敢譏彈旣而核人雖磔義子復來漢代荒
君稱張公子宋家末主號李將軍關外旌旗三衛部遠
招北塞禁中礮火四家兵盡聚西廳呼鷹織錦之橋躍
馬宜春之苑龍舟將士擊金鼓以東馳豹房美人約玉
簪而南下前則被傷於狎虎後則致溺於捕魚徒使陸
震諸賢力諫而卒皆斃命何遵一輩抗章而又復捐軀
國事益不可問矣歲在庚戌余遊虞山拜公祠下棟宇
常新冠裳不改倚柱之劍忽吼窺檐之樹欲僵竊念公
伏闕剖肝無慙獬豸大荒披髮仍跨麒麟曹輔屬藁之
時怪鳥啼屋傅綽歸神之夕惡蛇上牀曾賜諡於南都
諒繫懷於北極精魂未泯痛武廟之荒姪殺魄如生哭
木雜書屋文五集

卷一

三

孝宗之仁聖鶴峯石勁尙想心丹龍澗泉飛疑含血碧
顧裕愍生同斯土相扶一代綱常瞿忠宣祠共名山永
享千秋俎豆

江陰寄園謁二吳侯墓文正軍公高嶽題詞卷
江陰學使署中有寄園焉修竹一徑疑鋪綠霜古杉百
株能掩紅日二吳侯墓卽在其中二吳侯者一江國公
長一海國公禎明太祖時守江陰有大功者也當其鍾
靈定遠起義濠梁王濬本水中龍高昂眞地上虎克和
陽取采石下深水定毘陵遂以指揮使守江陰訓練勁
卒飭修邊防論一十二之便宜趙充國所以開屯田也
得四十六之秘訣裴行儉所以制營陣也時張士誠據
浙西路跨淮東鄉而江陰當南北要衝舉兵入寇者屢
矣波飛舵牙風飽帆腹二侯且嚴壁壘夕宿譙樓走其
驍將於君山殲其援師於無錫奮奪秦望夾攻巫門保
木雞書屋文五集

卷一

三

障一方勤苦十載垣崇祖親決肥水著白紗帽以登城
蔡道恭力護司州用黑漆弓以射敵當是時太祖數自
將爭江楚上流扼贛饒要地金陵空虛而士誠不敢北
出者以二侯在江陰爲屏蔽也且江國公之守城更有
不止此者新學宮立義社祭遵能整軍旅而雅尙禮儀
李典不爭戰功而獨貴儒士貨財悉屏非高仙芝取石
國金珠聲色不求異侯君集收高昌婦女旣而遠征珠
海迅掃銅關劉方遏巨象而過閩黎宗慤作假獅而克
林邑功成七萃氣懾百蠻海國公自平吳而後追國珍
於盤嶼擒友定於延平轉餉登州捕倭海道萬備之征
高麗一馬當先陳稜之討流求五軍分濟魁頭露紛控

六拍竿黃龍之船攤鐸拱稽駕十五丈白虎之船宜兄
宜弟厥功偉哉嗚呼明祖開基以來昆季從龍者正復
不少馮氏則國用國勝自妙山而投誠乃一則早沒一
則自裁矣俞氏則通海通淵從巢湖而歸命乃一則受
創一則殉節矣永安永忠俱健鬪而一被擒一伏法廖
氏靡子遺矣遇霖遇春並宣勞而一死綏一坐累鄭氏
無種類矣凡彼元勳宿將非實命於百戰場卽厠名於
兩姦黨而二侯獨孳篋迭應棣鄂交輝萬里河山終歸
破碎幾人勳業幸獲生全今者夕陽疎柳祇賸蟬聲秋
水敗荷僅餘鷺影煙飛古綠月寫新黃竊掩金蛇阡高
玉馬丁巳戊午之間金臺赴學使李小湖先生之招居
本雞書屋文五集

卷一

五

園中者最久猶想見二侯禦寇馬馱屯軍鹿岫河蘭大
帥婁師德著長者之稱浪泊豐功馬文淵守善人之戒
荒祠鴉叫誰薦蘋蘩宿塚狐悲竟無碑碣自慙淺學敢
獻鄙言于載如生大都督英靈未泯九原可作副將軍
奇績並垂矣

木雞書屋文五集卷二

平湖黃金臺鶴樓

賀黃硯北司馬重赴鹿鳴序

今使長生無極拓漢瓦之曼詞壽考維祺飾周詩之吉語亦何以見守眞養和之素樹德扶善之基哉若夫少入蟾宮壯飛鳧烏還鄉騎鶴慕玉局老之全生叱石成羊得金華仙之妙訣逍遙以適其趣凝固以葆其神人向陸庵共欽宿學天留魯殿獨顯靈光年臻八旬筵啟九裘却喜兕觥祝罷重過龍門正當鳳曲歌時再看虎榜則有如古婁硯北先生是也先生五經便腹一第摘髭士龍對日之談司馬凌雲之氣而乃早膺秋賦屢繼木雞書屋文五集

卷二

一

春官滯科第於十年屈神仙於百里於是分符晉地攬轡絳城種花手勤拔薤心苦張奐之金勿視任棠之水逾清吏治多端善領甲令邊才孔亟曾案丁零其決獄也明如錢總其恤刑也仁若劉寬其濬泉也則裴延儁之興利其催賦也則王仲舒之樂輸飛雪裕乎萬家福星被於一道宜乎劉尹秣陵之柳地有賢聲召公陝服之棠人稱遺愛也然而心常知足事早見幾帆先賀監而抽帶免陶潛之束平子以歸田著賦仲長以樂志成篇士號四休社圖九老尋世外忘機之侶謝名場好事之人秋水馬蹏性天空闊春冰虎尾心地謹嚴不學東林妄議朝堂之事差同北海祇餘樽酒之歡退鷁自安

閒鷗是友楊枝駱馬誰能遣此閒情莼菜鱸魚早已嘗
其滋味若夫玉尺量才金鍼度世劉瓛檀橋之館仲淹
汾曲之堂濟南生徒並受杜林之學關東士子再設魯
丕之經以故入座者願借齒牙掃門者競求毛羽經龜
山之指授具有矩模承馬帳之提撕咸知根柢此又見
其栽培之篤誘掖之勤也近且松姿矍鑠榆景從容出
不乘下澤之車入不飲上池之藥花辰十里無用鳩筇
夜午一窗尙看龍劍接親朋而從無官面對父老而大
有佛心雖兩耳塞絲未免崔鑣之病而雙眸如炬依然
阮籍之明猶復朝染狼毫晚揮兔穎歌酒畔黃河之曲
作花中白石之仙此非氣海常盈神峯獨峻而能如是

木雞書屋文五集

卷二

二

乎金臺忝附薦蘿歡聯棣萼南北阮雖分門戶東西崔
同出根源茲當日暖辰山霞明申浦一壺春駐十賚文
成婆留則誰喚乳名買德則難尋鄰叟看是翁之鶴健
重赴宴於鹿鳴過青山燕子之磯飲白下鷺兒之殘未
見之禮凡六向戌能知升歌之奏有三叔孫善解三千
履華堂競集五百尊羅漢重參一叟龍頭導以先路諸
君驥尾躡其後塵尤可羨者致仕大學士芝軒潘公與
先生爲同科海內狀元莫非後輩山中宰相共仰前型
最難兩老齊年傳作千秋佳話上壽中壽下壽凡三壽
作朋將續夫詩人大書特書屢書不一書秉筆請登於

蜻蛉洲外史序

鴨河蛭島故事誰知熊野鷓崎遺文孰悉蓋見聞自窶不能搜蜃海之編而才識未周豈易訂龍荒之史沈君浪仙名傳洋塊氣壓海濤秦宓談天張華畫地丙辰中秋寄示蜻蛉洲外史十二卷蓋據日本源朝松苗所輯國史畧而刪潤之也始周惠王十七年辛酉終明神宗十六年戊子一姓相承年經月緯百王遞降綱舉目張當夫蛇壑取劍龍宮得鉤寶集二瓊鏡懸八咫爰乃國名瑞穗宮立櫛原天開象市之雲人玩獅洋之月且自神武以後應神以前靡不鶴算延長龜齡永久戶歌三祝紫野稱觴庭頌九如白河奏曲斯則亘古以來所罕

木雜書屋文五集

卷二

三

觀者焉嗣是仁德孝德固盛世之成康元正元明亦女中之堯舜其時五畿清晏八島富饒文教修明武功不顯配十哲於宣聖祀八幡之太神修屯倉而備荒設鐘匱以言事遠征肅慎近拔新羅馬貢阿華雉徵穴戶漢織吳織來自中華瓦工畫工獻從屬國治定功成亦云偉矣若夫雄略武烈酷逞刑威敏達舒明大紊倫紀暴同晉厲淫類齊襄旣而牛壓樓頭狐升殿脊猴狗戲鬪蛙蛇互吞王綱漸湮國運隨替又况髫歲登基遽稱太上穉齡禪位便號法王蹟託緇黃權歸關白太阿倒握魁柄下移縱使椿葉再新楠枝旁蔭無如左峰右壘毒螫不休前虎後狼驍雄迭進拒元主之詔使意出時宗

受明帝之勅書事由義滿加以三亂遞與百年交戰猿
島肇豐犀川伏戎南筑爭強北豐角勝鷹巢城內固守
垣墉龍門山前相持烽火披綠衫而入陣樹白幟而麾
軍苟非織田氏回山倒海之才羽柴氏旋乾轉坤之力
又安能戡平九國掃蕩十洲父老復見太平士女重歌
豐樂也哉所可取者聲明文物無異中原經術詞章迥
非荒微蓋自徐福齋典墳之策智聰攜儒釋之書聲教
漸被實權輿焉以故廣人最通左史賴業劇愛學庸實
資厯事九朝爰成日錄巨房傳家八葉曾著江談而且
金葉有編詞花有集天厯之世五歌仙同擅風騷寬宏
之朝四納言並長諷諭野篁樓船之詠暗合樂天晁衡
木雜書屋文五集

卷二

四

山月之篇見推摩詰中津僧士藥草成吟肖柏老人牡
丹得句甚至椒闥名媛蘭寢才娥紫式部善作永言時
風可溯赤染門能爲華語往事有徵宜其風流文采照
耀扶桑爲海東諸國之冠也浪仙學富珠江才儲玉海
滌硯猴墟之雪濡毫雀瀨之波蛟螭入懷鸞鳳在手是
書也足以括七十二島之奇聞賅二十一代之遺集矣
此日一編纔定可稱人間未見之書異時四庫特收敢
鄙海外無稽之事

董夢蘭徵君味無味齋駢體文序

曩者王硯農徵士曾言吳江董夢蘭駢儷之文當今作手也僕心識之神交已久未窺繁露之編面晤無緣徒望飛雲之閣旣而茸郡接茵留溪聯榻見君蕭蕭鬢影漸欲成絲短短目光偏能似炬一時勁對庾徐可許齊名何地無才荀陸忽教會座開十華之玉券示八尺之珠珊繡譜鴛鴦憑君把度花箋蝴蝶容我披翻因得盡讀其味無味齋文集而序之曰君之少也橋隕山南萱存堂北王珪志業謹奉慈箴江淹文章克承闡誨以故焯掌自厲腐屑忘劬三十乘連軸汗牛張華腹貯八千張揮毫秃兔崔駮手鈔其爲文也根柢旣深英華自茂

木雞書屋文五集

卷二

五

積玉元圃無非夜光伐材鄧林都是奇木笑葉絢露簪以神香心苗茁春沃之仙醞霞駁則奧思濬發星稠則縟旨羅生妃黃匹白之餘獨饒古趣暈碧裁紅之際更出新機然僕所傾服者則更有進焉夫蔡襄著序不辭筆格龍團王寓製文曾得琴光螺甸義然後取廉亦何傷若乃皇甫湜之撰碑索縑須九千匹吳傳朋之作誌納賄至六千緡北海表阡饋遺無數西齋草制珍玩盡收以文人之詞章等市僧之交易毋乃惡歟君則間受薄資不貪厚賂韓文一字詎必輦金馬賦千言聊以取酒蓋其平日孤芳獨賞介石自貞正平懷刺未肯輕投叔夜接函慣遲作答嫌防瓜李節抱松筠宜乎應周室

之賓興蒙漢家之徵辟陳蕃薦五處士非出于求田歆
舉六孝廉實由品詣斯真冰清玉潔成虎阜之名儒奚
祇采錯金鏤號鶯湖之才子而已哉雖然卽以文論胸
羅玉筍腕運錦機秋宵月華珠輪五色春日花宴繡幔
十重江東英俊無卿比也僕與君淵源各別踐徑迥殊
然而雕組之文本異杼而均堪悅目芳馨之草不同岑
而僉足怡情任沈並轡於南朝溫邢聯鑣於北府敲戛
隻字青藍互資商榷片言黃墨惟謹敢託先聲之嚆矢
無嫌首路之批糠近時武原有朱鏡香長水有褚二梅
二人者俱能於沈博絕麗之中具峭折紆回之致才大
似海筆妙於仙君如相遇慎毋交臂而失也

木雞書屋文五集

卷二

六

汪綠君女史春暉閣駢體文序

庚徐手筆罕有繼聲燕許心裁最難學步而况鶯閨弱質鸞闈嬌姿畧解吟哦便增聲價亦安能千趣萬態九文十華端如貫珠爛若編貝吸來曉露流紅有花吐出晚霞暈碧成彩筆補天而媧駭毫脩月而娥驚也哉綠君女史靈分蟾窟秀毓龍湫楊容華夙擅詩歌孫道綸尤工詞曲蠶眠字小鴛籽才多至於孖刻翠之思抽妃黃之句富孕腹筒妙開心香五光陸離雜羽對鏡一氣芳烈龍涎在鑪玉裕金相宮含徵噉清機奪月果然出口聰明佳句化雲絕不聾牙咕屈觀其春暉閣駢體一編洵足遠追班左近軼商邠然而操絃多激楚之音握木雞書屋文五集

卷二

七

管有淋漓之慨其故何與夫相依共命管道昇身屬泥團互唱同聲李清照懷欣茶覆我黻子佩男唯女俞誠房幃之樂事也奈何天邊織女不近文昌世上名姝偏歸厮養遂乃寓牢愁於秦錦訴幽憤於齊紈冷訂霜悲悄呼煙語奉慈烏於堂北惟將免管娛親聚雛鳳於窗西賸有熊丸課子朱淑真斷腸之集抑鬱難宣徐德英悼志之篇纏緜奚極竹詞古怨蘅夢新寒文生於情其能無天壤王郎之歎乎僕也蝨處窮鄉蠹飢殘卷曾敲月戶得拜雲容覩花墮而低眉望紗厨而斂手而綠君則早已濃熏雪靶繡道園春雨之詞妍製霞箋寫昭諫江東之帙自言少時披集疑陽五爲古人此日承顏幸

歐九之得見清談玉屑俊辯泉流不鄙芻蕘乞施鍼灸
敢詡三折肱之久聊酬一靚面之緣子細酌商辛勤塗
竄盡傾肝膈無惜齒牙白璧微瑕能容我指紅閨知已
誰似卿賢從此傳妙製於玉臺播英聲於錦幔萬山桃
豔遜厥鮮妍一室蘭幽助其薌澤厠名四傑筭可易冠
繼軌六朝今豈讓古愧非承吉堪爲繡閣之師却比廉
夫願作瓊闈之序

木雞書屋文五集

卷二

八

李小湖學使好雲樓詩鈔序

漢代馬班原稱名士唐家燕許不愧風人自來鸞臺鳳閣之英必擅虎繡龍雕之業若夫位高元禮望重文饒名在月中早對紅雲之殿詩傳日下宏開白雪之樓金心善融銀手能斷蒼苔古意時有妙香滾滾新機渾如流水賅乎衆體斯謂大成出以至情實緣小雅其惟小湖先生乎先生爲春湖侍郎幼子荔是側生蘭真佳種楊綰髻歲便知四聲范雲稚齡能誦九紙觀書若月日力析乎秋毫摘藻如雲心葩敷乎春樹家傳猿臂人譽鳳毛無何橋蔭忽傾荆枝兆釁事多舛午乏推梨讓棗之歡境值酸辛極食蓼茹荼之苦零丁欲寫剛卯誰遣

木雞書屋文五集

卷二

九

幸而哀豕善文刁冲勤學癸籤籬墨子夜燃糠成張華厲志之篇出謝朓驚人之句未幾風搏六翩電逐雙蹏桂研崇柯楊穿高葉校書虎觀奉職麟臺奪獸錦於東方早空餘子齊鴻名於北斗難得妙年時則魚藻矢音鳳梧發詠華光限字到茂瀿三刻便成曲江賦詩劉太眞一篇稱最遂乃易占三易史紀九遷朕召王珪珠花特賞卿如韋綬袍襪可加出納絲綸斯可署唐六押潤色典誥乃能作漢三經洵遭際之極隆亦賡颺之時獻旣而星動軒輅風馳英飭始衡材於閭嶠旋校士於吳郡山川大觀旌蓋小駐包公則難通關節狄相則滿載稜籠况復萬卷勤搜五官並用是非獨斷莫教錯認顏

得得失攸關祇恐忘收范質白竭揀金之力諒無泣玉
之人暇則揮灑芳翰煥揚瓌辭筆可橫秋車能記里清
芬四襲長淮之煙月自流毫楮一噴大江之波濤欲活
蓋至是而氣息彌古丰標益高矣金臺秦岳自慙齊竽
濫廁許作入幕之客恐如倒紉之孩戊午之春先生出
眎好雲樓詩鈔若干卷九然之才先覩正始一品之集
命序會昌則見雅懷星疎健骨雲上鏘金戛石別具鑪
錘吐絮含華獨成馨逸循咳之思有束皙之至性焉傳
衣之感有侯芭之深情焉酒壚之悼有向秀之纏綿焉
粉盞之哀有伶元之纏綵焉薇露纔盟荷風已香名公
自具三長下士真無一得測蠡識淺附驥心殷所願名
木雜書屋文五集

卷二

十

覆金甌繼范富歐陽之業士珍夾袋集李張皇甫之賢
賡元首於虞廷頌單心於周室豈徒衣冠紀盛蕭邁之
八葉八圖著作蜚聲王筠之一官一集而已哉

賈芝房青霞仙館詩集序

在昔乘臯父子迭著文華儀虞弟昆競標詞采卽如我湖胡氏之石瀨書屋兩世傳名張氏之嬰山小園一門有集固已壯河山之色增奎壁之光今觀賈君芝房承其父兄之緒淵源有舊著錄翻新殆其類耶憶嘉慶壬申歲得見尊人嘯軒先生於禾中洛社耆英襄陽老宿蜀道聞猿而後古入鬚眉秦關策馬而還健誇腰腳至癸未甲申間與哲兄蘅石薦臯相往來交羣玉於穆家誦聯珠於竇氏無何蓮凋霜夕蕙敗風晨一則西粵迴車旋驚化鶴一則東華躡屩倏歎騎鯨追戊戌歲始與芝房訂交羨君厠優鳳之列獨號歸昌擅宗駒之稱尤

木齋書屋文五集

卷二

七

推符拔十餘年來相與剖析元奧激揚風騷知其以深湛之思極清新之致植幹綜古敷材麗今春雲曳空秋月搖瘦塵撲三斗軸抒一家以故詠懷古蹟杜拾遺之豪情也寄興田家儲太祝之逸趣也感時紀事白太傅之苦心也送客懷人王右丞之雅致也况復鷗鄉選勝鱸渚尋幽白苧村中一筇踏雨紅梨湖上雙槩撥雲京口三山風浪恣其峻賞蜀岡十里煙花助其閒懷然而杜樊川之浪遊空逾千里李君虞之奇疾竟歷數年加以骨肉凋殘羽毛零落咳蘭萎而抱慟慈烏園荆瘁而追懷鳴鹿神傷鮑妹書絕大雷魂戀韓拏路埋寒雪近且鷓枝莫借雁粒無餘羶不留青鑱惟攜白吳鉤欲鑄

術味壬夫楚玉空悲毀同庚市有心拯物誰知臣意之
善醫無地謀生欲向君平而問卜而君則能安義命不
廢嘯歌未嘗彭羨自媒詎肯禰衡嫚罵閉戶修業但草
子雲之元和精神當春不爲阮籍之白食藥有味紉蘭自
馨此衷如流水閒鷗斯境類孤雲野鶴吐青霞之奇氣
成白雪之高吟辛亥之冬出其全編索予弁語自昔長
箋短版久窺安石碎金今茲麗句清詞盡覩士衡積玉
益信顏魯得義延年之業不孤張協有才孟陽之名同
顯其足以媲美賢父兄也宜哉

木雜書屋文五集

卷二

沈蘭卿紫茜山房詩序

余於嘉慶乙丑歲受知潘文恭公得入邑庠其時獨冠一軍者卽蘭卿尊人未石刺史也未石經術湛深詞華溢發爰登秋賦屢絀春官以大挑分發廣西歷署河池上思州牧兼攝宣化縣杜畿特設講堂陳表能平疑獄勸農雪屋澤息嗷鴻校士風簷門看躍鯉法石湖之政治錄著鸞駘繼子厚之文章說無蛇捕馬人蛋戶交誦一清穠妾伶童亦知三善上思民頽其堂日化孚三善將邀鸚薦遽兆篤占廉吏可爲不可爲琴鶴空攜趙抃降年有永有不永烏鳧竟化玉喬斯時也李琮奄殂於桂海魂滯洲東趙矜溢逝於柳州骨留社北八旬老母翻悲李賀之木雞書屋文玉集

卷二

三

亡十歲孤雛已抱韋忠之慟而乃閒關遠道彳亍長塗阮卓扶喪一舟冒險高柔迎柩三載得還幸而髫鬢博通英年騰遠子駿能承先業丁鴻貪讀異書以清白吏之兒郎守經人師之教誨紅蟬卷軸盡瘁芸窗黑蝶才名驚傳藝苑其爲詩也音節沉雄情思懇摯馥馥花氣吹俱若蘭英英墨光飛欲入斗屬當寫定誣諉弁端余也羨乘臯之家學作羣紀之交遊當時司馬早亡淚流羊舌此日阿龍克肖美擅鳳毛湖厥本根西雪分來秀氣繩其祖武南疑得此替人矣

費亦洲壺中吟序

黃葉村莊豈無佳士綠槐講院定有名流僕未至語兒
先交詩友聯吟禾郡早識徐凝正陶作客韭溪又逢馬戴
說邇年以來復得亦洲人原鸞鳳地住羔羊是好秀才
非村夫子書持高鳳堂闕盧鴻然而少狎鄉氓熟知農
務當夫鳩語桑市鷺飛水田少婦養蠶勝如養女老翁
憐憤無異憐孫南鄰賣絲北里糶穀每聞壺唱似和農
談但聽雞聲可辨人舍以故量晴課雨太祝成吟鋤月
褥雲右丞着句時或拏舟選勝蠟屐尋芳蛇門月流鯨
閣風細賣魚灣裏楊柳千絲乳鴨池邊桃杷一樹載菊
塔院問梅臯亭羊徑尋來友得二仲虎溪笑過交惟一
木雜書屋文五集卷二

古

僧謂竺仙

觀其壺中吟稿緣情要眇賦景澄鮮清光大

來神韻獨絕他若書摹空繪帖仿伯熊印得王休銀絲
篆細椎開張顛鐵筆鋒尖慧業文人無一不長已昨在
由拳互相聯臂拜武穆廟水繞玉龍訪文忠亭花餘金
雀鷗襟纔別鴻製旋頌既經三復聊纂一辭所望業益
求精學知不足譬諸明鏡百鍊彌光擬以良弓三均更
勁青眼高歌非子莫屬

謝

謝

謝

謝

時澹川味琴室詩鈔序

澹川時子高懷摘雲朗抱奪雪骨秀於玉神寒若金每
當碎紅滿庭濃綠到榻風聲戰竹涼透珠簾月影扶花
光搖紗帳臨窗習字未許換羊隱几揮絃自能引鶴鳳
池雁塔何曾役志於科名蟹稅魚租不必勞心於衣食
早具雕龍手段雅嗜青細雖膺司馬頭銜澹忘朱紱其
爲詩也寓意幽寂游思邈緜濯魄冰壺浣腸珠澤冷蟬
吸露孤鶴叫煙香分白蓮味若綠茗彩鸞佳偶代吮甃
毫阿鷺小姬助磨鵲眼邇年來郁君菽橋約友人作古
權之會君亦與焉蘭亭主客竹里唱酬方驚白下三山
狼烽逞焰能結黃初七子鷗社聯盟尤足見逸興之流
本雜書屋文五集卷二

五

連奇情之跌宕矣惟是叔寶神清仲宣體弱碧消爐篆
午夜長眠紅落鏡花甲朝未起杜樊川鬢絲禪榻王摩
詰藥裏茶鐺然而崔駟抱疴尙勤著述衛虎染恙不廢
嘯歌黃葉半牀青編一卷龍骨欲出鶯喉自調李賀嘔
肺之吟聲鏗金石方于補屑之集味別酸鹹願君慎攝
衛於四時免銷鑠於六鑿病黎帶漏宜切扶持弱柳經
霜尤須培護從此恢張骨力灑鍊性靈假以歲年直可
廁邊徐之席窮其旨趣無難躋王孟之堂矣

張次柳三影樓詞序

辛亥閏秋訪張君次柳於吳閫神交五載面晤一朝
翩濁世之中稱佳公子娓娓清談之下識大才人置酒
則忙喚添丁開筵則欣逢團甲東閣花影西園燭光三
更出門鴉夢忽醒十里歸寓兔輝未殘至今令我怊怛
於懷而不能去焉惟君慘綠年少流紅夢多荀君坐處
三日香留潘令行來一車果滿濯濯王恭之柳亭亭庾
杲之蓮而且蔭藉烏衣系承朱閣崔盧門第素負清華
終賈英年便騰藻采鴛鴦之詩絕妙鸚鵡之賦超羣斯
則道濟辭章文昌樂府手製孟陽之錦吻生承吉之花
早已諸體咸工衆長畢備矣若乃披尋曲海摩厲詞鋒
木雞書屋文五集

卷二

六

以鸞停鵲峙之人作燕語鶯啼之句瓊籤綠凍發其古
香珊架紅妍舒其幽豔鷗心淡淡而白遠鶴骨泠泠而
欲仙况復花市七里畫船萬燈水檻風尖山窗雲活名
士旗亭之酒美人綺閣之笙則又撫么絃吹嘉管金石
鏗戛瓏玲其聲模繡續紛佚麗其采何必綠珠喉裏始
有新音從知赤玉胸中定無宿物至於繫情故里回首
家山吹臺秋高少室春暮寒宵雨雪憶梁苑之琴尊暖
日藤蕪想洛濱之裙展尤必登高抒抱望遠移神倚玉
靴翠袖之遺聲抽寡繭哀絲之別操宜其芬流齒頰俗
洗心脾骨秀神清來疑仙珮奇葩異蕊開向佛燈也猶
記在吳門時戈順卿招同姚莓伯張篠峯王養初丁步

丁步洲倚竹齋詞序

東風卷之意不詳

余交步洲十二年矣見其仔肩任事奮臂狗人以張耳之名流作季心之俠客卒卒然無須臾之或暇也而乃雅情星疎曠抱月朗蠻牋十樣珊瑚管一枝攄澄澹之懷極纏緜之致騷壇羣彥咸稱美焉猶憶君之訪余也弄樓上之明珠蟹螯佐飲問山頭之苦竹鴻爪留題歌板爰新旗亭斯樹而余則屢游三泖時泛一舸藉君作東道之主人集西園之佳士每當鱸鄉雨後鷗夢秋初花底鸚呼竹梢鶴立珠槃高會快飛醉月之觴金管豪吟直邊行雲之調猶未已也君復招余吾谷探幽天平覓勝停短籥祠前之棹訪長洲苑裏之花蘭幙風柔棗簾木雞書屋文五集

卷二

六

雲瘦琵琶水面江州淚傾豈惹梢頭樊川夢覺樓外則尊浮大白壁間則句譜么紅斯又豔入心脾香流齒頰矣尤奇者溫造無端應募柳渾竟爾知兵去歲土寇蠶興兇徒烏合吹來風鶴入夜有聲飛過霜鴻當秋無色黃浦之蜺妖昨熾青溪之蠹賊旋訂君則親佐戎行力恢巖邑狐窟盡掃梟巢悉焚未膺龍額之封先被虎牙之賞當此長槍大戰妙運奇籌依然直笛橫簫仍工妍唱豈非才力過人也哉甲寅初夏余再過君青山無恙重憶交初白首有緣幸遭難後君乃出示倚竹齋詞鈔吳江董夢蘭已爲撰序而更屬余弁語者良以兩人氣誼久協芝蘭一字品題或光黎棗感君之意不能無言

陳闓峯續六家詩鈔序

錫山劉復燕選 國朝六家詩曰荔裳曰愚山曰阮亭曰秋谷曰竹垞曰初白此數公者爲一代風氣所開卽爲一代主盟所屬琴瑟互應鼓旗各張天下文章莫大乎是矣嗣是而後續者無人丁巳初夏赴顧書臺處詩課陳子闓峯出續六家詩鈔索序繼元結篋衍之編成韋莊又元之集元圃採玉明珠光赤水覓珠美璣六寸洵足助丁函之色增乙簡之輝爾乃南苑螢飛北山鶴怨滄桑寄恨元好問兩代詩名黍稷通神沈初明一生心事鈔梅村詩一卷鼓吹五經腹眞不負指揮萬卷髯其絕倫吳會浮家吟來秋碧長安索米嫁去小紅鈔

水雞書屋文五集

卷二

九

迎陵詩一卷幼入芹宮壯依槐市表熊周之大節激動鬚眉褫馬阮之游魂洞窺肺腑鈔子湘詩一卷冤謫虞翻命窮劉峻旗影翻而黃兔竄淚盡征人笳聲裂而黑鵬愁夢回故國鈔漢槎詩一卷南國鶯花之頌西陂魚麥之圖名齊玉叔福應遜公一籌望並漁洋才豈避彼三舍鈔牧仲詩一卷三吳名宿杜正藏實好秀才九裘詩仙賀知章成狂道士蝴蝶延年之枕鴛鴦度世之鍼鈔歸愚詩一卷凡此六家或豪掣長鯨或豔迷粉蝶或極鳳翽鸞歌之樂或抒鵑曉猿嘯之悲擷英采華合登文選敘意撰例豈讓武功闓峯可謂勤矣而僕竊又有所獻焉蓋我 朝文治日昌詩人雲集家珍趙璧戶握

隋珠以故歌能入月李龜年欣遇天涯氣欲凌雲楊狗
監早推名士則有如毛西河鶴原誼篤存亡常感弟兄
馬帳情深出處不忘師友則有如潘稼堂具表聖之胸
襟品淡如菊寫陶公之情性氣清於蓮則有如吳野人
學傾一世冠大厯十才人年踰七旬登光化五老榜則
有如姜西溟虞陛賡颺臯夔原稱才子唐家諷諭燕許
竟是風人則有如高文良宦興闌珊三千履遊踪浪逐
吟情哀豔十二釵好夢重尋則有如黃莘田似茲六家
莫非藝苑英流詞壇健將躋前賢之膏馥作後學之津
梁熊魚同是珍羞孰宜取舍環燕各殊面貌還俟去留
鄙見如是願與諸君子共商之也

木雞書屋文五集

卷二

三

趙桐孫十六國宮詞序

秀水趙君桐孫鷗波後裔鶴潛才人虎氣上騰鸞姿獨
秀所著詞賦及駢散文靡不縟旨星稠綺思霞燦近復
譏十六國宮詞獵文皇之載記擷散騎之春秋體倣三
家數踰百首余反復讀之而不忍釋手也則有彰女救
父微光殉姑請罷鵠儀劉貴嬪密呈諫疏預愁鶴唳張
夫人力阻征鞭元季兩妃欣古鳴鳳薛閻二妾泣化嗁
鵲至於西羌託跡親授金刃東閣殘骸怒拋玉璽襄陵
軍債引劍而刺叔明大界營空彎弓而敵羌賊平原守
節裙帶留題寶錦懷貞刀鋸願受僞檀賢女戴天而切
復讐承業少妻投地而猶誦佛此皆流芳蘭掖垂範椒

木雞書屋文五集

卷二

三

塗足消雀鼠之爭奚滅雕麟之美若乃罽鋪鹿子堂啟
螽斯雀入室而徘徊鷺鷥藏溝而鳴躍三后侍寢幾同犬
豕之交雙飛入宮果應鳳凰之譏鄭櫻桃慣生逆嗣來
妖馬於長秋苻訓英專恃主恩榮竦魚於盛夏穢彰乞
伏盜鑰而付什寅醜播沮渠禮禪而通釋子又况十八
等之女官肆淫石趙百廿名之樂伎貢媚姚秦蛇虎變
幻於蜀官龍螭鏤雕於夏閣凡此者事雖荒佚文亦恢
奇堪作虞箴永爲殷鑒桐孫借彼瑰聞成斯麗製寫嬋
娟於豕突鴟張之際描粉黛於狼咆熊吼之秋豔雨奢
雲香流筆底荒煙冷月淚灑行間豈不足以贈衆藝林

笙簧文囿也哉

湯山瑞祥寺秋集序

節過重陽未踏齊雲之嶺人思仙客遠尋伯雨之居乙卯九月十二日重訪殷夢蔬道人道人一見欣然謂青山紅樹正值良時紫蟹黃雞足供雅興遂於望日招至珠山之瑞祥寺而置席焉竊思三十年前此寺荒廢久矣鴉棲禪榻鼠竄陰廊戶罅蛛絲庭堆鴿糞自勝善上人卓錫於此雞園重啟獅座聿新金繩百丈不照鯨宮珠網七重遙臨蜃窟鐵豬受矢玉象扶輪風搖定後之塵雲護空中之磬我輩得借茲淨室同作快遊危石數片奇似虎形古松三株怪如虬狀手斟桑落頭插菊花發落帽之狂情著籠紗之佳詠其間辨四聲者沈約仙

木雞書屋文五集

卷二

三

論三品者鍾嶸穆朱灣則旨趣宏深秋陸羽則衷懷恬雅芝而道人清機雪竊詞采霞飛想夢中之鶴影羽若車輪和檻外之龍吟聲爲鐵笛樂境也亦韻事也回憶去歲冬間艇匪鴟張海塘鹿駭蛟涎吐霧直射峯腰鴛銃轟雷幾摧嶺角今者蘆船遠徙雁戶粗安莽莽戰場尙驚談虎飄飄逸趣竊喜盟鷗孔樽已酣阮屐徐返一痕巒影青入城中幾縷炊煙白生郭外妖墓蝕月是日食盧仝奚必傷懷孤鶯飛霞王勃瀾王寫景傳諸觚翰謝臨川東墅之游繪以丹青蕭子範南亭之記

湯山瑞祥寺秋集序

東湖餞春集序

鄴春雨歇首夏晴初曉老倉庚舞忙紫乙四圍風絮飛
白可憐一霎煙花小紅欲嫁感駒光之易逝宜燕樂之
及時矧當湖爲水雲明豔之鄉風月繁華之境春流得
雨雙鷗劃青芳草如烟一城湧綠龍戲六橋之外鷺眠
三寺之前蝶夢飄零剛逢四月鶯花收拾又是一年有
不對景懷人撫時憶友乎適吳江仲君蘭九以松陵之
名宿作柘水之閒遊橫海六鼇曾經釣罷寥天一鶴獨
自飛來長劍陸離短筇徒倚家無舊業驢券頻書世有
高才兔園終老於是顧榕屏時社卿朱純庵諸子宴排
三日歡洽四筵遞絜北面之尊互張南皮之幟拈題而
木雜書屋文五集卷二

重

薛箋各擘分韻而蕭鉢急催阮嘯嵇琴懷賢並切周祜
庚韭賦物都工玉琢新聯珠穿好句一筆疾灑萬花亂
飛盃中添卯飲之香枝上惜子規之語傷心世事問何
時燄息封狼過眼韶華喜此日興酣浮蟻無如醴設賓
館方共寒暄策贈河干旋乖雲樹人聚白鷗之宅合席
千觴客登赤馬之船離情一笛是集共得詩若干首純
庵將彙刊之杜鵑花外欣賞新詞鸚鵡洲邊又垂佳話
魚雲望遠不勝南浦之愁懷鴻雪印孤賴有西園之雅
什

寄暢園者在無錫慧山寺左創自明正德時秦端敏公
金初名鳳谷小築行窩恰近龍臯特開別墅閱數傳而
屬中丞公燿改名曰寄暢園聚九柯十匠之材增三沼
五亭之勝石淙丹壑道遙公之雅懷退谷杯湖荷玕子
之隱趣至今稽松張柳十六景故蹟猶存魏笏王刀四
百年流風未艾以此知秦之世德所由來矣爾其堂可
臥雲榭先得月近倚知魚之檻遠窺歇馬之亭白飛二
泉冷咽清夢青鎖萬木瘦搖古魂十里芙蓉淡抹煙中
之水半山蘿薜濃添雨後之峯塔影入池梵聲到閣怪
石獅吼小橋鴨眠桂散一林之香松凝三徑之黛桃花
木雞書屋文五集

卷二

十四

片片目迷亂紅竹樹蕭蕭脚踏叢綠時或琴橫春薦酒
滴秋林招梁園雪裏之人奏吳苑花開之調謝安山墅
肴饌百金陶峴水仙清商一部宋季雅豪情跌宕千萬
買鄰蕭大園逸致優游五三列婢况復聖祖之鸞輿
疊幸高宗之駟駕頻臨奎章五色采緇庚牌睿
藻千言光分甲帳頒雀扇於何戡昇鼠裘於唐邕九老
迎鑾有蕃三接之馬一門破齋奚止十朋之龜斯則呼
萬歲者三歡騰朝野等百世而上福衍子孫矣今夫成
毀不常廢興無定湛長史欵客之宅化作荒煙李丞相
讀書之臺鞠爲茂草舊廳弔夕殘鴉泣春而斯園則畫
拱常新雕楣未改巖花仍碧祠樹不黃良由纓組蟬聯

文華鵲起封胡羯末無愧前徽酥酪醍醐莫非佳士以
故李桃茂密長爲徐勉之居裡栢蕭森終屬劉嶷之第
小峴侍郎宦情早澹書味偏濃擬仲長樂志之篇續平
子歸田之賦曾撰園志二卷以紀其畧文孫韋軒學博
小同傳經大謝述德陽武世閥不墮何綏休文家風再
興沈衆對元祐三賢之像霜露縈懷撫乾隆八景之圖
煙霞入想搜羅志乘覩縷見聞騷情緯中史筆斧外書
成名日寄暢園志補學博之戒楊子萱先生適宰我邑
因出金粟之編爲索鐵崖之序臺於戊午仲夏從李小
湖學使校士潤州學使預約歸途訪西神之名勝開北
海之尊壘而無如鷁舫纔回烏輪大熾難覓灘邊一鶴
本齋書屋文集五集卷二

五

空懷堤上九龍孫興公台嶺神馳未曾親到李太白鏡
湖飛渡徒付夢游今披是冊似涉凌虛之閣衆香搖風
恍登環翠之樓羣豔灼目益歎學博之心香遙接手澤
勿忘士衡能誦先芬孟堅善陳世澤豈比熊羆哭墓妾
託名宗馬暢獻園致隳舊業也哉

小同傳經大謝述德陽武世閥不墮何綏休文家風再
興沈衆對元祐三賢之像霜露縈懷撫乾隆八景之圖

煙霞入想搜羅志乘覩縷見聞騷情緯中史筆斧外書
成名日寄暢園志補學博之戒楊子萱先生適宰我邑

因出金粟之編爲索鐵崖之序臺於戊午仲夏從李小
湖學使校士潤州學使預約歸途訪西神之名勝開北
海之尊壘而無如鷁舫纔回烏輪大熾難覓灘邊一鶴

